



21. august 2012

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

- 1. Suna pissutigalugu saniatigooralugu aalisartartut aalisakkanik Royal Greenland A/S-imut tunisisinnaajunnaarpat?**
- 2. Naalakkersuisut suliniuteqalersaarpat saniatigooralugu aalisartartut Royal Greenland A/S-imut tuniseqqilersinnaanerit sulissutigissallugu?**
- 3. Saniatigooralugu aalisartartut Royal Greenland A/S-mut tuniseqqittalernissaat qaqagu naatsorsuutigisinnaavara?**

(Inatsisartuni ilaasortaq Kristian Jeremiassen, Siumut)

Tungavilersuut:

Nunatta avammut niuernera nukittorsarneqassappat nunatsinni kikkulluunniit tamatumunnga peqataarusuttut periarfissaqartariqarput, taamaaliornikkut avammut niuernikkut iluaqutigisinnaavagut taamatullu innuttaasut aningaasaateqarnerulaarnissaat qulakkiissallugu, taamatullu akileraarutitigut isertitassagut amerlisinnaassammata.

Kalaallit Nunaanni Aalisarnermut Nakkutilliisoqarfimmiit peqqussutigineqarpoq saniatigooralugu aalisartut piniartullu tulaassuivinnut tulaassissanngitsut, tulaassuivinnut avammut tuniniaasinnaasunut tulaassuiniaraanni minnerpaamik inuussutissarsiutigalugu uppersaammik aalisarsinnaamulluunniit uppersaammik peqatariaqarmat.

Maannakkut ukiuni kingullerni ileqqulersimavoq ukiup naajartornerani aalisartorpassuit angerlartinneqaannartarnerat sulerusukkaluartut, maannakkut aamma piumassusillit aalisarusuttut tuniseqqusaajunnaarput tulaassuivinnut avammut tuniniaasunut, isumaqarpunga politik-ikkut inuit periarfissarsiuunneqartariaqartut periarfissaanik mattussuunnagit.

Inuit sulerusuttut sulissapput piumassusaat politik-ikkut annikillisarnagit, pingaartuuvoq nunatta niuernikkut avammut nukittorsarneqarnissaa aningaasarsiornerullu qaffassarneqarnissaa.

Kissaatigaara apeqquteqaatika ullut suliffiusut qulit iluanni akineqareersimanissaat.